

元和郡縣志卷十

唐 李吉甫 撰

河南道 五

徐州 彭城上

開元戶三四萬九千七百二
元和戶三于八百五十八 鄉八九十九

今為徐泗節度使理所 管管徐州宿泗濠州
管縣一十六都管戶三

萬七千二百五十二

本禹貢徐州之域春秋時為宋滕薛小邾偃陽之地六國時屬楚秦并天下為泗水郡楚漢之際楚懷王自盱

元和郡縣志 卷十 一

盱徙都之後項羽遷懷王于彬自立為西楚霸王又都于此漢改泗水郡為沛郡又分沛郡立楚國按楚國即今州理是也宣帝地節元年吏為彭城郡尋復為楚國自漢以來或理彭城理下邳晉氏南遷又于淮南僑立徐州安帝始分淮北為北徐州宋永初二年加淮南徐州曰南徐州而改北徐州曰徐州明帝時淮北八魏梁初暨收太清之後尋復八魏徐州復理彭城仍立彭城郡高齊及後周不改隋開皇二年于此置總管罷郡其所領縣並屬徐州十四年廢總管府為彭城郡隋亂陷

賊武德四年討平王世充改置徐州總管府七年改爲都督貞觀十七年罷都督初宋高祖經畧中原以彭城險要置府于此至文帝時王玄謨又上表曰彭城南界大淮左右清汴城隍峻整襟衛周固自淮以西襄陽以北經塗三千達于齊岱六州之人三十萬戶常得安全實由此鎮後魏大將軍尉元上表曰彭城宋之要藩南師來侵莫不用之以陵諸夏輿地志云郡城由來非攻所能拔按自隋氏鑿汴以來彭城南控埧橋以扼汴路故其鎮尤重

元和郡縣志

卷十

二

州境東北西二百八十九里

八到西至上都一千二百八十二里

東南取埧橋路至宣州五百里

西南取濠州至宋州三百里

西北至兗州三百四十里

貢賦開元貢賦五色土各一斗上細絹

管縣五

彭城 蕭 豐 沛 滕

彭城縣望郭下

古大彭氏國也漢爲彭城縣屬楚國後漢屬彭城國宋屬彭城郡隋文帝罷郡爲縣屬徐州

定國山在縣東四里後魏武定五年慕容紹宗欲擊梁貞陽侯蕭明營于此山

泗水在縣東去縣十步

州理城貞觀五年築其外地卽古大彭氏國漢高祖定天下以爲楚國封弟交爲楚王東晉封劉裕爲宋公至宋武帝以皇子義康爲彭城王並都于此後宋平北將軍徐州刺史薛安都乃舉城歸魏

元和郡縣志

卷十

三

呂梁故城在縣東五十七里春秋時宋之呂邑至漢以爲呂縣城臨泗水高百四十尺周迴十七里此城東二里有三城一在水南一在水中潭上一在水北並高齊所築立鎮以防陳寇

曹公故城在縣東南六十五里在呂梁東岸或言曹公築此以守呂布西岸有城臨水是布之所固也號曰呂布固

故垞城在縣北二十六里或曰古崇侯國兗州人謂實中城曰垞

戲馬臺在縣東南二里項羽所造戲馬于此宋公九日登戲馬臺卽此

寒山堰在縣東南一十八里梁蕭明伐魏堰清水以灌彭城

呂梁在縣東南五十七里蓋泗水至呂縣積石爲梁故號呂梁陳將吳明徹以舟帥破下邳進屯呂梁堰泗水以灌徐州周將軍烏丸軌達奚長儒率兵救援軌取車輪數百連鎖貫之橫斷水路然後募壯士夜決堰至明陳人始覺潰亂爭歸至連鎖之處注擒明徹

元和郡縣志

卷十

四

蕭縣

上東北至州六十里

本古之蕭國春秋時宋邑漢蕭縣屬沛郡北齊改爲承高縣屬彭城郡隋開皇三年罷郡屬徐州改爲龍城縣尋復爲蕭縣

丁公山在縣東南二十里丁公追漢高帝處

綏輿山在縣東二十五里宋高祖綏輿里人蓋因里以名山也

智井在縣北二百步左傳楚子伐蕭還無社與司馬言目于智井而拯之卽此也

豐縣

上東南至州一百七十五里

本漢舊縣屬沛郡戰國屬梁後漢屬沛國晉同宋改屬北濟陰郡北齊改爲永昌以縣屬焉隋改屬徐州

豐西澤在縣西十五里漢高祖斬白蛇于此

沛縣

上東南至州一百四十三里

本秦舊縣泗水郡理于此蓋取沛澤爲縣名漢興四年改名沛郡領三十七縣理相城以此爲小沛魏分立譙郡又以沛爲王國晉不改宋爲沛縣改屬徐州隋文帝罷郡縣屬仍舊

元和郡縣志

卷十

五

微山上有微子冢去縣六十五里

泗水西北流八東去縣五十步

泡水卽豐水也西去縣百五十步

縣理城卽秦沛縣城也初陳涉起沛令欲以沛應之乃令樊噲召高祖沛令後悔閉城拒守高祖書帛射城上曰諸侯並起屠沛今共誅令則家室完父老乃殺沛令迎高祖立爲沛公十二年高祖破鯨布還過沛謂沛父老曰遊子悲故鄉吾雖都關甲萬歲後吾魂魄猶思樂沛且朕自沛公以誅暴逆其以沛爲朕湯沐邑

故留城在縣東南五十五里高祖令張良自擇齊三萬戶良曰始臣起于下邳與陛下會留乃封良爲留侯故沛宮在縣東南一里高祖過沛置酒歌大風卽此宮也

泗水亭在縣東一百步高祖微時爲亭長于此

滕縣

上南至州二百里

本古滕國漢蕃縣也屬魯國宋屬彭城郡漢末太傅陳蕃子逸爲魯相改音皮後魏置蕃郡以縣屬焉北齊郡縣並廢隋于此置滕縣屬徐州按古滕國在縣西南十

元和郡縣志

卷十

六

四里滕城是也

奚公山在縣東南六十六里奚仲初造車于此

公丘故城在縣西南十五里夏侯嬰初爲滕令故號滕

公按此時高祖未立屬縣故滕爲秦縣至武帝改爲公

丘縣屬沛國

故薛城在縣東南四十三里薛侯國也孟嘗君時薛中六萬家其中富厚天下無北此田文以抗禦楚魏也

合鄉故城在縣東二十三里卽論語所謂互鄉是也

此案

以合鄉爲互鄉則前卷亳州之鹿邑故城俗名牙鄉城者非卽論語所謂互鄉矣王應麟困學紀聞謂鹿邑之

外有互鄉城邑人相傳謂云互鄉童子一見附識備者攷此處也前代因立互鄉縣云云所據不一

宿州

苻離上

元和戶八千六百七十六鄉三十六
案開元戶鄉數傳寫缺

本徐州苻離縣也元和四年以其地南臨汴河有埵橋

為舳艫之會運漕所歷防虞是資又以鄆縣北屬徐州

疆界闊遠有詔割苻離鄆縣及泗州之虹縣置宿州取

古宿國為名也

州境

案州境里數傳寫缺

八到西北至東都一千九百里
西北至上都一千四百里

元和郡縣志

卷十

七

東南至泗州四百二十里
東南至淮百里與濠州分中流為界從界至濠州

西至本州三百三十里
西至徐州一百五十里

北至徐州一百五十里

貢賦案開元貢賦傳寫缺

管縣三

苻離 鄆 虹

苻離縣上北至州一百五十里

本奏舊縣漢屬沛郡高齊時屬睢南郡隋開皇三年罷

郡以縣屬徐州爾雅曰莞苻離也以地多此草故名

睢水自縣西北流八

故相城在縣西北九十里蓋相土舊都也

靈璧故城在縣東北九十里漢二年漢王入彭城項羽以精兵三萬人晨擊漢軍于靈璧東睢水上大破之睢水爲之不流

鄆縣 上北至州二百三十二里

本秦舊縣漢屬沛郡後漢屬沛國有大澤鄉陳涉起兵于此爲狐鳴宋于此置譙郡齊以爲北譙郡後魏改鄆縣爲鄆城縣隋開皇三年去城字屬仁州大業二年屬

元和郡縣志

卷十

八

徐州八年屬譙州後復隸徐州

淮水西南流入經縣南七十里

渙水西自臨渙縣界流入

渦水東去縣一百里

鄆水北去縣三十里

虹縣 上西至州二百里

本漢舊縣屬沛郡虹漢書作𧈧字梁武帝于此置貢城成後魏復置虹縣周大象中省以地屬晉陵縣隋開皇十八年改晉陵爲夏丘縣武德四年于今縣南百里故

虹城重疊置虹縣屬仁州貞觀八年屬泗州十三年移今縣理臨汴河

赤坎故城在縣西南五十九里梁天監八年置赤坎戍潼陂一名萬安湖周迴二十里在縣北五里

垓下聚在縣西南五十四里漢高祖圍項羽于垓下大破之卽此地也按漢洩縣屬沛郡

洩音絞

垓下卽洩縣之

聚落名也圖經云項羽墓在縣南六里按羽死後高祖以魯公禮葬羽于穀城在今鄆州東阿縣界言在此俗說之謬也

元和郡縣志

卷十

九

廣濟渠按開元二十七年河南採訪使齊澣以江淮運漕經淮水波濤有沈溺之憂遂開廣濟渠下流自虹縣至楚州淮陰縣北十八里合千淮踰時畢功後以水流峻急行旅艱阻旋又停廢劄由舊河

泗州 臨淮上

開元戶三萬三百五十四

鄉六十

禹貢徐州之域春秋時屬魯又爲徐子之國後爲楚所滅秦爲泗水郡地漢興改泗水爲沛郡武帝分置臨淮郡後漢下邳太守理此自晉迄後魏並爲宿豫縣後魏

于此置東徐州周宣帝大象二年改爲泗州隋大業三年改爲下邳武德四年復爲泗州開元二十三年自宿遷縣移于今理

州境東三百八十五里
南三百七十九里
西三百七十九里
北三百七十九里

八到西北至東都一千四百七十里
西北至上都一千四百七十里
東南陸行至揚州二百七十三里
東南路至楚州二百七十三里

西西南至濠州二百一十里
西北至埭橋四百二十里

貢賦開元賦
麻布
絹布
細貨布

管縣五

元和郡縣志

卷十

十

臨淮 宿遷 徐城 漣水 下邳

臨淮縣緊郭下

本漢徐縣地長安四年分徐城南界兩鄉于沙塾村置

臨淮縣南臨淮水西枕汴河開元二十三年自宿遷移

于今理

宿遷縣上南至州二百一十里

春秋時宋人遷宿之地至漢爲朐猶縣屬臨淮郡晉安

帝立宿豫縣隋開皇三年屬泗州寶應元年以避代宗

廟諱改爲宿遷縣

淮水入縣境南與楚州山陽縣分中流爲界

舊州城梁將張惠紹北伐軍所次憑固欺城塹其羅城引水環之今城在泗水之中

下相故城在縣西北七十里秦故縣也項羽卽下相人也應劭曰相水在沛國故曰下相

魯肅廟在縣東南一里肅臨淮人後人爲之立廟

徐城縣

中東至州五十里

本徐子國也周穆王末徐君偃好行仁義視物如傷東夷歸之者四十餘國穆王聞徐君威德曰遠乘八駿之

元和郡縣志

卷十

十一

馬使造父御之發楚師襲其不備大破之殺偃王其子遂北徙彭城原東山之下百姓歸之號曰徐山按山今在下邳縣界楚漢之際項羽置東陽郡漢誅英布置徐縣屬臨淮郡後漢以臨淮郡合於東海明帝又分東海爲下邳國理于此晉太康三年復置徐縣屬臨淮郡梁于此置高平郡及高平縣隋開皇十八年改爲徐城縣屬泗州理大徐城大業四年移於今理

淮水西南自虹縣界流入

永泰湖縣南二里週迴三百六十三里其中多魚尤出

朱衣鮒

大徐城在縣北三十里

徐君墓在縣北三十二里季札掛劍處

漣水縣 上西北至州一百六十里

本漢公猶縣之地後漢爲徐縣之地晉爲宿遷縣之境
宋明帝於此置東海郡又於城北置襄賁縣屬焉後魏
改爲海安郡隋開皇三年廢郡以縣屬海州五年改襄
賁爲漣水縣因縣界有漣水故名武德四年置漣州縣
屬焉貞觀元年廢漣州縣屬泗州

元和郡縣志

卷十

十二

海水在縣東北一百四里

淮水西南自宿遷縣界流入

沭水俗名漣水西南自海州沭陽縣界流入

碩獲湖在縣北百一十六里與海州朐山縣中分爲界

下邳縣 上東南至州一百七十五里

本夏時邳國後屬薛左傳薛之祖奚仲遷於邳是也春
秋并於宋戰國時屬楚後屬齊至秦曰下邳縣漢屬東
海郡魏志曹公征呂布於下邳生擒布令東中郎將鎮
下邳宋改爲下邳縣屬東徐州周改東徐爲邳州隋省

邳州以縣屬泗州

嶧陽山在縣西六里

泗水西自彭城縣界流入

淮水自縣西流入去縣六十里

沂水經縣北分爲二水一水於城北西南入泗一水經城東屈曲從縣南亦注泗謂之小沂水水上有橋昔張子房遇黃石公於圯上卽此處也南人謂橋爲圯故郟城在縣東北一百五十里古郟子國城孔子問官於郟子卽此地也

元和郡縣志

卷十

十三

縣理城古邳國城也魏武征呂布於下邳決泗水引沂水以灌其城卽此處也按下邳城有三重大城週迴十二里半中城周四里呂布所守也魏武擒布於白門卽大城之門也小城累博堅峻周二里許西南又有一小城周三百七十步征虜將軍石崇所築也

石鼈屯晉穆帝升平初苟羨爲北部都尉鎮下邳起田於東陽之石鼈

津在縣臨郡界

公私利之北齊廢帝乾明中尙

書左丞蘇珍之又議修石鼈等屯歲收數十萬石自是淮南軍防糧儲充足

濠州 鍾離上

開元戶二萬五百五十二
元和戶二萬七百二十

鄉四十一
鄉四十二

禹貢揚州之域春秋時爲鍾離子之國後爲吳楚所爭之地左傳楚子爲舟師以畧吳疆滅鍾離又史記楚平王時鍾離人與吳邊邑卑梁小人爭桑而二邑交相攻滅秦并天下屬九江郡漢置鍾離縣復隸九江郡晉立爲鍾離郡宋因之宋明帝失淮北地復立徐州於此後廢帝改號北徐州梁因之以昌義之爲北徐州刺史鎮鍾離魏中山王元英將軍楊大眼率衆數十萬來寇鍾

元和郡縣志

卷十

十四

離城北阻淮水魏人於州東邵陽洲作浮橋晝夜攻城分番相代義之善射每彎弓所向莫不應弦而倒一日戰數十合魏軍死者與城中平會高祖遣曹景宗韋叡率衆二十萬來救魏軍大敗英與大眼脫身而走因輕騎追至洛口而還州後入高齊文宣帝改爲西楚州隋開皇三年改濠州因水爲名大業三年改爲鍾離郡南北朝皆爲重鎮隋亂陷賊武德五年杜伏威附改爲濠州按濠州本屬淮南與壽陽阻淮帶山爲淮南之險貞觀元年竇參爲相於是據淮割地隸屬徐州及徐州節

度使張建封死子諱爲本軍所立常挫王師其時朝廷幾失淮南之地蓋參不學無術昧於疆理之制所由致也自貞元以後州西渦口對岸置兩城刺史常帶兩城使以守其要濠字中間誤去水元和三年又加水焉

州境東西北西一百八十一里

八到西北取至虹縣路都一至上都二千三百七十五里

東南至廬州三百三十里

西南至壽州四百二十里

東北至泗州三百二十里一十里從縣至楚州一

元和郡縣志

卷十

十五

百九十里

貢賦開元賦 官絕 絹 綿 布

管縣三

鍾離 定遠 招義

鍾離縣上郭下

本漢舊縣屬九江郡至晉屬淮南郡安帝時因東郡燕縣流入鍾離者於此置燕縣至高齊復爲鍾離縣

塗山在縣西九十五里

淮水西南自壽州界流入

西濠水出縣西南莫邪山北入淮
東濠水出縣南濠塘山東北入淮
當塗縣故城本塗山氏國在縣西南一百一十七里禹
娶於塗山卽此也

荆山堰在郡城西一百二十二里梁天監十三年魏降
人王足陳計於武帝求偃淮水以灌壽陽引北方童謠
曰荆山爲上格浮山爲下格潼泡爲激溝并灌鉅野澤
帝遂發徐陽人率二十戶取五丁以築之令太子右衛
率康絢左衛將軍昌義之護作令戰士二十萬人於鍾

元和郡縣志

卷十

十六

離城南起浮山堰北抵巉石至十四年四月堰將合淮
水漂度輒復決潰或言江淮多蛟龍其性惡鐵于是引
東西二冶故鐵器大則釜鬲小則鑊鉏數千萬斤沈於
堰所猶不合緣淮百里內木石皆盡負者肩上皆穿土
卒死者十七八十五年四月堰乃成壽陽城戍移頓于
八公山淮水清人之墳墓皆歷歷見於水底或謂絢曰
四瀆者天地所以節宣其氣不宜久塞旣而昏霧三日
霧解而堰決殺數萬人其聲若雷聞於三百里水中怪
物隨流而下或人頭魚身龍形馬首殊類詭怪不可勝

言

莊周臺在縣西南七里濠水經其前莊子與惠子觀魚之所又曰觀魚臺

定遠縣

上北至州一百里

本漢東城縣地屬九江郡梁武帝天監初置屬定遠郡高齊改爲大安郡隋仁壽元年廢郡改定遠縣爲臨濠縣屬濠州國朝復爲定遠縣

洛水經縣西四十里

陰陵縣故城在縣西北六十五里本漢縣也項羽敗于

元和郡縣志

卷十

十七

垓下將麾下八百騎潰圍南走灌嬰追項羽至陰羽迷失道問田父田父給曰左左乃陷大澤故漢兵及之東城縣故城在縣東南五十里羽自陰陵至此尙有二十八騎南走至烏江灌嬰等追羽楊喜斬喜於東城卽此地

招義縣

上西至州一百四十里

本漢淮陵縣屬臨淮郡後漢屬下邳郡宋孝武帝自淮北徙睢陵縣改爲池南縣陳爲招義縣隋大業元年爲化明縣屬濠州武德七年更名招義

淮水西自鍾離縣界流入

浮山堰在縣西北六十里梁天監十三年與荆山堰同時修築

蔡州 汝南緊

開元戶一萬二千二百一十 鄉一百七
元和戶一萬二千六百一十三 案鄉數傳寫缺

今為蔡州節度使理所 案蔡州 案申州光州 管戶數 管縣

缺

古豫州之域春秋時蔡江黃道柏弦胡蓼沈頓頂息房呂十三國之地七國時屬魏秦兼天下為三川河東南

元和郡縣志

卷十

十八

陽穎川碭泗水薛七都之地漢立汝南郡領二十七縣理平輿宋元嘉中後魏太武帝率兵圍汝南郡守陳憲守拒四十餘日魏人積屍與城齊不拔而退宋文帝又於懸弧城置司州其後太武帝收河南地獻文帝改司州為豫州周大象二年改為舒州隋文帝改為豫州移入懸弧城今理是也仁壽四年改為溱州大業二年改蔡州三年罷州為汝南郡武德四年復置豫州寶應元年以避代宗廟諱復改為蔡州

州境 東四百一十七里
南北五百一十三里

我豆食羹芋魁反乎覆陂當復誰者云爾黃鶴及建武中太守鄧晨使許陽爲都水椽令復鴻郟陂陽曰昔成帝夢上天天帝怒曰何故壞我濯龍池於是乃因高下形勢起塘四百餘里數年乃立今廢

平輿縣

東西至州六十二里

本漢平輿縣地屬汝南郡高齊廢隋大業二年重置十三年陷王世充置輿州管平輿一縣武德中屬蔡州貞觀元年廢天授二年重置

汝水在縣南四十二里

元和郡縣志

卷十

二十

葛陂周迴三十里在縣東北四十里費長房投杖成龍處

吳房縣

上東南至州九十里

本漢舊縣屬汝南郡後魏置襄城郡仍立遂寧縣以屬焉隋改爲濯陽縣大業二年改爲吳房縣

西平縣

上東南至州一百五十里

本漢舊縣屬汝南郡後魏置卽春秋時柏國也古韓地之分蘇秦說韓王曰韓有劍戟出於棠谿今此縣西界有棠谿邨是也縣又有龍泉水可以淬刀劍自漢至後

魏皆爲西平縣地隋末廢天授三年復置

郎山縣

上東北至州九十一里

本漢安昌縣地屬汝南郡東漢省後魏太平眞君二年于朗陵故城復置隋開皇三年移於今理屬豫州十六年改爲朗山縣

朗陵山一名大朗山在縣西北三十里

淮水經縣理南去縣一百二十里

道城古道國也在縣東北二十里

朗陵故城漢縣也在縣西南三十五里晉何曾所封之

元和縣郡志

卷十

二十一

邑也

四望故城在縣東南七十里後魏太和十一年豫州刺史王肅于四望陂南築之以禦梁梁太清二年豫州刺史羊鴟仁以二魏交逼糧運懸斷乃葉縣瓠歸於義陽上表曰臣輒率所領縮還舊鎮仍留夏紹等停四望城防備卽此城也

新息縣

上西北至州二百里

本息侯國爲楚所滅漢以爲新息縣屬汝南郡周武帝于此置息州領此縣隋大業二年州廢改屬豫州武德

四年于此重置息州貞觀元年廢以縣屬豫州

淮水自西流入經縣南去縣五里

汝水自西流入經縣北去縣八十里

王梁渠在縣西北五十里隋仁壽中修築開元中縣令薛務更加疏導兩岸通官陂一十六所利田三千餘頃氓玉坑在古息城東南五步周迴一百八十步深三尺其玉顏色潔白堪爲器物隋朝官採用貞觀中亦令採取其後爲淮水所沒開元中淮水東移珉坑重出其玉溫閏倍勝昔時蔡州至今以爲厥貢之首

元和郡縣志

卷十

二十二

賈君祠在縣北一里名彪字偉節後漢時爲新息長時小民多不養子彪嚴其制所活數千僉曰賈父後爲立祠

新息故城在縣西南十里

眞陽縣

中北至州一百里

本漢慎陽縣屬汝南郡晉屬汝南國後魏改爲眞陽縣高齊改爲保城縣隋開皇十六年改置眞丘縣大業二年復爲眞陽縣因慎水爲名也

淮水經縣南去縣八十里

慎水出縣西南二十里

上蔡縣

上南至州七十里

本漢舊縣也古蔡國晉上蔡縣屬汝南國後魏神龜三年于此置臨蔡縣高齊廢隋文開皇十二年移于今理爲上蔡縣

蔡岡在縣東十里周迴五十里

汝水西去縣十五里

新蔡縣

上西北至州一百五十里

本漢舊縣古呂國也漢屬汝南郡晉屬汝陰郡宋屬新

元和郡縣志

卷十

二十三

蔡郡東魏孝靜帝于此置蔡州隋開皇十六年于此置舒州領廣寧縣仁壽二年改縣爲汝北大業二年改爲新蔡縣屬蔡州

汝水經縣南去縣二里

褒信縣

中西北至州一百八十里

本漢鄆縣之地後漢分立褒信縣屬汝南郡晉屬汝陰郡宋改爲褒信縣隋大業二年改褒信縣屬蔡州

淮水經縣南去縣七十五里

汝水經縣東北去縣五十五里

曰亭在縣東南四十二里左傳楚白公勝所封之城

鄆城縣

繫東南至州一百八十里

本漢縣七國時魏之下邑史記楚昭陽伐魏取鄆兩漢以爲縣屬潁川郡光武謂賈復曰鄆最大宛次之復曰臣請擊鄆帝執復手曰執金吾擊鄆吾復何憂謂此城也宋元嘉二年將軍劉緬說曰鄆城有百年之福若北朝保之未可敵也遂遣將軍殷祖焚其倉糧高齊于今縣置臨潁郡隋開皇三年廢五年又于廢郡城中置鄆城縣屬許州武德四年于此置道州貞觀元年廢以縣

元和郡縣志

卷十

二十四

屬豫州

汝水經縣西北去縣七十八里

大澗水上承汝水自襄城至岐額城分流南爲汝水北爲澗水

小澗水縣西北六十里至縣合爲大澗水

邵陵故城在縣東四十五里春秋齊桓公帥諸侯之師盟于召陵卽此處也漢置邵陵縣屬汝南郡隋廢入鄆城

征羌故城在縣東南七十五里本秦安陵縣建武十二

年來歛征西羗有功故改名以封之

申州 義陽中

開元戶二萬一千二十
元和戶六百一十四 鄉四十二
鄉二十一

本屬淮南道貞元以後隸蔡州節度使

禹貢荊州之域又古申國也鄭武公娶于申曰武姜在周為侯伯後為楚所滅秦并天下屬南陽郡魏文帝分置義陽縣自後省置不常宋元嘉末于此立司州自後入後魏為郢州入梁為司州周武帝平齊改為申州大業二年改為義州武德四年復置申州

元和郡縣志

卷十

二十五

州境 東西北西一百七十八里

八到 西北至上都九百一十里
西北至東都九百一十里

西南至安隨州二百三十里

西北至蔡州二百六十里

東北至光州二百六十里

貢賦 開元貢葛十疋
賦布紵綿絹

管縣三

義陽 鍾山 羅山

義陽縣 上郭下

本漢平氏縣義陽鄉之地也魏文帝分平氏立義陽縣江左省義陽縣地入平春縣晉孝武帝改平春曰平陽隋開皇三年改平陽爲義陽縣屬申州大業二年改屬義州皇朝復屬申州

淮水西自唐州桐柏縣界流入東北經縣去縣三十七里

故曹城在縣東三十八里梁將曹景宗將兵侵魏所築故平靖關城在縣南七十六里舊有此關不知何代創立按義陽有三關之塞此其一也武陽黃峴二關在安元和郡縣志

卷十

二十六

州應山縣界長老云此關因山爲障不營濠隍故名平靖

鍾山縣

上西至州四十里

本漢鄆縣也屬江夏郡宋永初中屬義陽郡高齊于此置齊安郡後改爲萬歲郡隋開皇三年罷郡爲齊安縣仍屬申州四年以近鍾山改齊安爲鍾山縣

淮水經縣北四十里

澀水出縣南霸山去縣七十五里山石之間波流寒澀因以爲名

石城在縣西南二十一里石城山上本晉義陽縣所理
羅山縣 上西南至州一百一十里

本漢鄆縣地梁武帝置西汝南郡于此隋開皇三年併
入鍾山十六年于鍾山析置羅山縣屬申州武德四年
置南羅州領羅山一縣八年州廢以縣屬申州

羅山在縣西南九里

淮水經縣北去縣二十里

光州 弋陽中

開元戶二萬九千六百九十五
元和戶一千九百九十

鄉六十一
鄉六十二

元和郡縣志

卷十

二十七

本屬淮南道貞元以後隸蔡州節度使

禹貢揚州之域春秋時弦國之地魯僖公五年楚人滅
弦弦子奔黃在秦屬九江郡在漢為西陽屬江夏晉安
帝立光城縣理于此梁末于縣置光州隋大業二年罷
州為弋陽郡武德三年改為光州總管府貞觀元年為
光州都督府太極元年自光山縣移今理

州境 東西北二百四十三里
南西北二百三十五里

八到 西北至上都九百二十里
西北至上都九百二十里

西南至大別山三百六十里
西南至申州二百六十里

西北至蔡州三百里
東北至壽州四百三十里

貢賦

開元貢賦

葛十疋
絹

生石斛六十斤

管縣五

定城

殷城

固始

光山

仙居

定城縣

上郭下

本漢弋陽縣屬汝南郡自漢至蕭齊常為弋陽城武德三年置弦州領定城一縣貞觀元年省定城屬光州淮水北去縣六十七里

黃國故城在縣西十二里春秋時黃國後為楚所滅

元和郡縣志

卷十

二十八

殷城縣

中北至州一百二十里

本漢期思縣地屬汝南郡宋僑立苞信縣于此梁以苞信縣屬義州隋開皇四年改苞信縣為殷城縣屬弋陽郡武德三年重置義州以縣屬光州

澮水在縣西五里

定城關在縣南四十里高齊以南迫陳境因置此關隋廢

温湯在縣南山中其湯綠色

固始縣

上西南至州一百五十五里

本漢封蓼侯之地春秋蓼國楚并之今縣城是也自東
晉以後蓼縣省宋明帝失淮北地乃于此僑立新蔡郡
領固始一縣隋開皇七年改屬義州大業三年廢義州
屬弋陽郡

淮水經縣北八十里

茹陂在縣東南四十八里建安中劉馥爲揚州刺史興
築以水溉田

孫叔敖祠在縣西北隅七十五里

光山縣 上北至州三十里

元和郡縣志

卷十

二十九

本漢西陽縣地屬江夏郡魏屬弋陽郡宋孝武帝大明
初于此立光城縣隋開皇三年廢入樂安縣十八年又
置光山縣

光山一名弋山在縣西北八十里

淮水經縣北七十里

本陵故關在縣南一百三十二里齊陳二境齊置此關
以爲禁防周因不改隋開皇九年平陳後廢

仙居縣

中東至州一百里

本漢軹縣春秋時弦國楚滅之漢以爲縣屬江夏郡至

宋分立樂安縣天寶元年改爲仙居縣縣西有仙居山
因名

谷水在縣北九里

鞞縣故城在縣北四十里春秋時弦國之都也

仙堂六陂在縣西南十一里梁武大同元年百姓堰谷
水爲六陂以溉稻田

元和郡縣志

卷十

三十

元和郡縣志卷十